



BOSNIA AND HERZEGOVINA  
AGENCY FOR POSTAL TRAFFIC OF  
BOSNIA AND HERZEGOVINA

**VIJEĆE/ SAVJET AGENCIJE**

Broj: 01-05-2-16-9-482-28/20  
Sarajevo, 07. 10. 2020. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), člana 70. i 88. Zakona o javnim nabavkama („Službeni glasnik BiH“ broj 39/14), člana 8. Statuta Agencije za poštanski saobraćaj Bosne i Hercegovine („Službeni glasnik BiH“ broj 92/07) i preporuke Komisije za nabavke broj: 01-05-2-16-9-482-26/20 od 06. 10. 2020. godine, Savjet Agencije za poštanski saobraćaj Bosne i Hercegovine na 185. sjednici, održanoj dana 07. 10. 2020. godine donosi

**ODLUKU**

**o izboru najpovoljnijeg ponuđača za nabavku usluge obaveznog i potpunog kasko osiguranja službenih motornih vozila**

I.

Usvaja se preporuka Komisije za nabavke broj: 01-05-2-16-9-482-26/20 od 06. 10. 2020. godine te se primjenom kriterijuma „najniža cijena tehnički zadovoljavajuće ponude“ a koja u pravnom, ekonomskom i tehničkom smislu u potpunosti zadovoljava ugovorni organ, kao najbolji ponuđač u konkurentskom postupku nabavke usluge obaveznog i potpunog kasko osiguranja službenih motornih vozila (JRJN 66514110-0) bira društvo „Sarajevo osiguranje“ d.d. Sarajevo, čija ukupna cijena iznosi 2.944,80 KM.

II.

Sa izabranim ponuđačem iz tačke I ove Odluke realizovaće se nabavka iz tačke I ove Odluke u iznosu od 2.944,80 KM.

III.

Za provođenje ove Odluke zadužuje se Područje za ekonomske poslove i tarifnu politiku i Područje za pravne i administrativne poslove.

**O b r a z l o ž e n j e**

Odlukom Agencije za poštanski saobraćaj Bosne i Hercegovine broj: 01-05-2-16-9-482-3/20 od 02. 09. 2020. godine pokrenut je postupak nabavke usluge obaveznog i potpunog kasko osiguranja za tri službena motorna vozila putem provođenja konkurentskog postupka za dostavljanje ponuda.

Agencija je putem Komisije za nabavke koja je imenovana rješenjem broj: 01-05-2-16-9-482-4/20 od 02. 09. 2020. godine provela postupak pripreme tenderske dokumentacije, objave na portalu javnih nabavki, prikupljanja ponuda i preuzela druge potrebne aktivnosti vezane za nabavku u skladu sa Zakonom o javnim nabavkama.

Obavještenje o nabavci broj 934-7-2-34-3-2/20 objavljeno je na portalu e-nabavke dana 16. 09. 2020. U roku predviđenom za preuzimanje i dostavu ponuda, potencijalni ponuđač je postavio upit, na osnovu kojeg je Agencija u skladu sa članom 39. stav (3) i članom 53. Zakona o javnim nabavkama donijela odluku o izmjeni tenderske dokumentacije kojom se mijenja tenderska dokumentacija u smislu brisanja riječi „tehnički pregled i registracija“ u cijelom tekstu te je promjenjen Obrazac za cijenu ponude – specifikacija – Aneks 3. U članu 5. Nacrt ugovora – Aneks 7 priloga tenderske dokumentacije broj „30“ je zamjenjen brojem „15“.

Istovremeno sa objavom tenderske dokumentacije na portalu e-nabavke upućen je dodatni pozivi trojici ponuđača u skladu sa članom 88. Zakona o javnim nabavkama. Tendersku dokumentaciju je preuzelo 13 ponuđača, od kojih su u ostavljenom roku ponude dostavili sljedeći ponuđači:

- „Sarajevo osiguranje“ d.d. Sarajevo, Maršala Tita 29 – 71000 Sarajevo sa ponudom u iznosu od 2.944,80 KM,
- „Adriatic osiguranje“ d.d., Trg međunarodnog prijateljstva 20 – 71000 Sarajevo, sa ponudom u iznosu 3.854,86 KM,
- „Central osiguranje“ d.d., Džemala Bijedića 39 – 71000 Sarajevo, sa ponudom u iznosu od 3.587,30 KM.

Nakon otvaranja ponuda Komisija je pristupila ocjeni formalne i materijalne ispravnosti svih dostavljenih ponuda i utvrdila da sve ponude ispunjavaju formalne i materijalne uslove tražene tenderskom dokumentacijom. Prilikom ocjene ponuda Komisija je utvrdila da postoji razlika u cijeni kod ponuđača „Sarajevo osiguranje“ d.d. Sarajevo tako da se cijena iskazana u Aneksu 2 – Obrazac za ponudu se razlikuje od cijene iskazane u obrascu Aneks 3 – cijena ponude – specifikacija, nakon čega je Komisija je utvrdila da je relevantna cijena iz Aneksa 3 – cijena ponude – jer je u Aneksu 2 tenderske dokumentacije izričito napisano da u slučaju razlike u cijeni navedenoj u Aneksu 2 i cijeni navedenoj na Obrascu za cijenu ponude Aneksu 3, relevantna je cijena iz obrasca Aneksa 3.


Cijeneći navedene ponude Komisija za nabavke je izvršila rangiranje ponuda i u skladu sa članom 65. Zakona o javnim nabavkama na osnovu kriterijuma najniže cijene tehnički zadovoljavajuće ponude Komisija je preporučila, a Savjet Agencije usvojio ponudu društva „Sarajevo osiguranje“ d.d. Sarajevo, Maršala Tita 29 – 71000 Sarajevo sa ponudom u iznosu od 2.944,80 KM.

O izvršenim aktivnostima u postupku javne nabavke Komisija za javne nabavke je napravila zapisnik i preporuku i isti dostavila Savjetu Agencije.

Na osnovu izloženog odlučeno je na način naveden u dispozitivu.

#### **Pravna pouka:**

Protiv ove Odluke nezadovoljna strana može uložiti žalbu u roku od pet (5) dana od dana prijema Odluke. Žalba se ulaže Kancelariji za razmatranje žalbi putem Agencije za poštanski saobraćaj Bosne i Hercegovine.



**Predsjedavajuća Vijeća Agencije**

Amira Poljak, dipl.ing.

Dostavljeno:

- „Sarajevo osiguranje“ d.d.  
Maršala Tita 29, 71000 Sarajevo;
- „Adriatic osiguranje2 d.d.  
Trg međunarodnog prijateljstva 20, 71000 Sarajevo;
- „Central Osiguranje“ d.d.  
Džemala Bijedića 39, 71000 Sarajevo i
- A/a.